

اعتصام

۲۱ آغستورن سنه ۱۳۳۵

۲۳ زی القهره سنه ۱۳۳۷

{ منافع عامه خادم، مجموعہ المومنین }

احمد شیوانی

خلافت اسلامیہ و استقلال سیاسی

مقام مشیتک صدقات عظمایہ مهم بر تذکرہ

رتبہ وزرائی احراز ایدہ بیلک ایچون نہ کبی مزایای حائز الزامی الحاج احمد حمدی

طاهر المولوی

بخارنده علم و علما

قیام زوری

اشہ اہلرم

فیضان (ج) غروشدر

۱۳۳۴

فاتح - اعتصام



مقام مشیحتك صدارت عظمایه مهم بر تذکره سی

محاکم شرعیه نك مرجع اصلیسی بولنان مشیخت اسلامیه به اعاده سی
حقیقده مقام سامی افغیمیارینه تقدیم اولنان قرارنامه لایحه سی آیلرجه مجلس
وکلانك روز نامه مذاکراتنده قالدقدن صوکره اوروپادن عودت سامیلری
وقوعندن برآزاول سابق قاینه نك ایام اخیره سنده مجلس وکلایه دور
ودراز مذاکره و مناقشه ایدیلرک نتیجه ده قبوله اقتران ایتش ایکن
حکومتك تبدیلی اوزرینه لایحه مذکورده نك تکرار موقع تذکره وضعی
کیفیتی شایان دقت بر مسئله معاقه حالنده حکومت لاحقه به انتقال
ایتمشدر .

محاکم شرعیه نك مرجعنه نقانی ایجاب ایتدیرن مواد لایحه نك اسباب موجب
مضبوطه سنده مفصلاً عرض اولندینی جهتله بوراده تکرارینه حاجت
اولماقتله برابر شونقطه مهمه بی نظر آصفانه لرینه عرض مجبوریتنی حس
ایدیوردم که محاکم شرعیه حکومت عثمانیه نك حازر اولدینی ایکی صفتدن
صفت خلافتك روحی مثابه سنده بولندینی ومقام اقدس خلافتك

حکومتده مثلی شیخ الاسلام اولمق لازم کلدیکی محل مناقشه اولماق درجه سنده
 بر حقیقت باهره ایکن محاکم شرعیه نك مشیخت اسلامیة دن رابطه سنی
 کسمک مسلککنده دوام ایدلدیکی حالد آرتمق مقام مشیختک حکومت
 عثمانیه ده حظ ونصیبی قالمیه جنی کبی موقعنک حقوق ووظائفی عاجزانه
 تقدیر ایدن داعیلرینک ده مقام مشیخته یری قالماز. اتحاد و ترقی حکومت
 سابقه سی بومسئله یی دینی دولتدن آیرمق مقصد معهودینه مقدمه اولمق
 اوزره ترتیب و ترویج ایتشدرد. حقیقت بوشکل و ماهیته اولمقله برابر
 مسئله نك مجلس مبعوثانده تقرر ایتش اولدینی بعضی نجه وسیله تردد اتخاذ
 اولونورق مبعوث عنه مجلس مبعوثانك اوکی مقرراتیه مملکتک بوحاله
 کلدیکی کوز اوکنده طور یرکن خلق و خالق نظرنده فلاکت حاضره نك
 مسئولیتنده الک زیاده هلاکه دار اولان و ذکر ی الم تشکیل ایدن مجرمین
 مقرراتنك حالا بروثیقه احتجاج اولورق ذکر ایدلسی قدر آلم و موجب
 تأثر برحالت ذهنیه تصور اولونه من. بویه بر مجاسدن کچمش اولمقدن باشقه بر
 مرتبی اولمایان بر قانون غیر اساسینک تبدیل و تصحیحی ایچون بر قرار نامه بر قانون
 موقت تنظیمی بالنأ مابلغ کفایت ایدرد. تصحیح مسئله ایچون امکان قانونی
 تحقق ایتدکدن صوکره وجدان عمومی* اسلامیتک منابع تمثیلنی نه اتحاد و
 ترقینک آمال مخصوصه سنه خدمتکار اولمش سابق مبعوثاننده ونه ده استانبولک

سلا نیکدن کلش لاحق مطبوعاتنده آراق دوغری اوله ماز. افکار عمومی
 اسلامیة نیکه برینی تشکیل ایدمه یین بوکی عناصر طفیلیه یی بر طرفه
 آیردقدن صوکره داخلده و خارجده بولنان اوچیوز میلیون اهالی
 اسلامیة نیک محاکم شرعیه مسئله سنک وضعیت حاضره سندن دولایی اسکی
 حکومتله نظر تنقید و تعییب ایله باقمده اولدیغنی تقدیر ایتک لازم کلیر.
 بدایت تأسسندن اعتباراً حائز اولدینی حکومت اسلامیة نام و عنوانه
 انضمام ایدن خلافت مبعله صفتیه عصرلردن بری بوتون اقطار اسلامیه
 میهیه توجهگاه اولش بولنان بودولت عثمانیه نیک صوکره دورلرنده حسیات
 اسلامیة یی استخفاف ایتک مسلكنه مساع ویرلمسی و افکار عمومیة اسلامیة یه
 قارشی بر جریان معکوس تعقیب ایدلمسی طرزنده کی احوالک جزای
 مننویسی اوله رق آرزوقده دوچار اولدیقمز مصائب عظمادن متنبه اوللمنک
 نتیجه سی قورقولمنه جدا لایقدر. دولت علیه اداره سنده بولنان غیر
 مسلملرک نکاح و طلاق کبی دینه تعلق اولان دعواری کافی السابق
 بطریقخانه لینه اعاده ایدلش اولغله تبعه دن بر قسمنک حسیات دینه لرینه
 رعایت ایدلدیکی حالده اهل اسلامک قطعاً آرزولرینه مخالف اوله رق
 عدلیه نظارتنه ربط ایدلش اولان محاکم شرعیه نیک مشیخت اسلامیة یه
 اعاده و صیو طبیعتی معامله سنک دوچار تاغر اولمس افکار عمومیة اسلامیة ده

انكسار حصوله بادی اولدینی و بو مسئله مهمه نك قایینه دن قایینه به دور واحالسی صورتیه سورونجه مده برافتمسی مقام عاجزی حسابنه عادتاً بر حیثیت واتحاد ترقی حکومتدن موکره کلن حکومتلر ایچونده حیثیات اسلامییه اهمیت ویرمه نك اعتباریه سالفارینك اثرینه تبعیت مسئله سی حالنده تاقی ایدلك ضرورتی حاصل اولمغه باشلادینی جهتله كرك زماناً و كرك مصلحه بوندن فضله تأخره تحلی اولیان مسئله مذکورده نك رد و قبول صورتلرندن بریسیله اشاجنه مساعده بیورلمسی بابنده .

اعتصام

مقام جلیل مشیختك تذکره سی بك مقولانه و بك متبنانه یازلمشدر . بویوك بواطو ایله دیزدیرمك صورتیه اهمیت فوق العاده سی اكلاتقی ایستهدیکمز بوند کره ، مقام جلیل مشیخت نامنه لایموت بر وثیقه تاریخیده . . اتحاد و ترقی حکومتك سقوطندنبری عالم اسلامك صبر سز قلله بکله دیکی اعاده محاکم شرعیه مسئله سنك بوقادار سورونجه مده قالمه سی قارشوسنده بویه بر مراجعته بولنامسی مقام مشیختك هم حق ، هم ده وظیفه سی ایدی ، عالم اسلام بو تشبثندن طو لانی مقام مشیختی شبه سز آلقشلایه حق و بواوغرده کندوسنه قوه الظاهر اوله جقدر . بو مسئله موضوع بحث اولمایه باشلایه ایدنبری ، مالک اسلامی نك متعدد طرفلرندن تلغرافلره اظهار اولنان حیسیاته توفیقاً در حال اعاده سی لازم کان محاکم شرعیه نك الآن اعاده ایدله سی طوغریسی صبر منزی توکه دیور .